



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

B.

urn:nbn:de:hbz:466:1-14298

B.

DECLARATIO AC CONFIRMATIO

Decretorum editorum circa Imagines Defunctorum nondum à Sede Apostolicâ Canonizatorum, cum splendoribus aut laureolis non proponendis, & processus pro eorum Beatificatione, aut Canonizatione conficiendos.

VRBANVS PAPA VIII.

Ad futuram rei memoriam.

COelestis Hierusalem Cives, quorum gloriofis natalitiis Sancta lætatur Mater Ecclesia, sicut hujus Sanctæ Sedis Apostolicæ ministerio à piis utriusque sexus Christi fidelibus venerantur in terris, ita Romanum decet Pontificem militantis Ecclesiae Regimini divinā providentia præpositum, pro suo præcipuo honoris Domus Dei zelo invigilare, ne quid in personarum cum sanctitatis aut Martyrii famâ, vel opinione defunctorum memoriam sine cultum, inconsultâ Sanctâ Sede prædictâ innovetur.

§. 1. Alias siquidem Nos sollicitè animadvertisentes abusus, qui irrepserant, & irreperere non cessabant in colendis quibusdam cum Sanctitatis aut Martyrii famâ vel opinione defunctis, qui, et si neque Canonizationis, neque Beatificationis honore insigniti essent ab eadem Sede, eorum tamen imagines in Oratoriis, atque in Ecclesiis aliisque locis publicis, atque etiam privatis, cum laureolis, aut radiis, seu splendoribus proponebantur, miracula & revelationes, aliaque beneficia à Deo per eorum intercessiones accepta in libris rerum ab ipsis gestarum enarrabantur, & ad illorum sepulchra tabellæ, imagines, & res alia ad beneficia accepta testificanda, & lampades & alia lumina apponebantur: Volentesque proinde hujusmodi abusibus pro debito officii Pastoralis occurtere, re etiam cum venerabilibus Fratribus nostris S. R. E. Cardinalibus, contra hereticam pravitatem in universa Republica Christiana generalibus Inquisitoribus ab eadem Sede specialiter deputatis, communicata & mature considerata, ac disculsa: de eorundem Cardinalium confilio sub die 13 Martii 1625, declaravimus, statuimus & decrevimus, ne quorumvis hominum cum Sanctitatis, seu Martyrii famâ (quantacunque illa esset) defunctorum imagines, aliaque præfata & quocunque aliud venerationem & cultum

præ se ferens & indicans, in Oratoriis, aut locis publicis, seu privatis, vel Ecclesiis, tam secularibus, quam regularibus, cujuscunque religionis, ordinis, instituti, Congregationis aut Societatis apponenterent, antequam ab Apostolicâ Sede canonizarentur, aut beati declararentur, & (si quæ appositorum essent) amoverentur, prout eas statim amoveri mandavimus. Ac pariter imprimi de cætero inhibuimus libros eorundem hominum, qui Sanctitatis, sive Martyrii famâ vel opinione, ut præfertur, celebres è vita migravissent, gesta, miracula vel revelationes, seu quæcunque beneficia, tanquam eorum intercessionibus à Deo accepta continentis sine recognitione, atque approbatione Ordinarii, qui in iis recognoscendi Theologos, aliosque pios ac doctos viros in consilium adhiberet: & ne deinde fraus, aut error, aut aliquid novi & inordinati in re tam gravi committeretur, negotium instructum ad Sedem Apostolicam transmitteret, ejusque responsum expectaret: Revelationes verò & miracula, aliaque beneficia supradicta, quæ in libris horum hominum vitam gestaque continentibus, catenus sine recognitione atque approbatione hujusmodi impresa erant, nullo modo approbata censeri voluimus mandavimusque. Ad horum hominum sepulchra vetuimus etiam, ac inhibuimus tabellas atque imagines ex cera aut argento, seu ex alia quacunque materiâ tam pictas quam fictas, atque exsculptas appendi, seu affigi, & lampades, sive alia quæcunque lumina accendi sine recognitione ab Ordinario omnino prout supra facienda, Sedique Apostolicæ referenda ac probanda. Declarantes quod per supra scripta præjudicare in aliquo noluimus neque intendimus iis, qui aut per communem Ecclesiæ consensum, vel immemorabilem temporis cursum, aut per Patrum, Virorumque sanctorum scripta, vel longissimi temporis scientiâ ac tolerantiâ præfatæ Sedis Apostolicæ, vel

b 2

Ordinarii

Ordinarii celebrantur. Cumque postea die 2 Octobris ejusdem anni 1625 à quibusdam revocari in dubium accepissemus, an tabellas & imagines, quas imposterum offerri contingen, recipere & antea oblatas conservare licet: Nos, qui tantummodo volumus, occurrēdo abusus qui irreperere videbantur, certiorēm patere viam ad coram in terris gloriam, quorum sanctimoniam divinæ clementiæ placuerit admirandis operibus illustrare: re prius cum eisdem Cardinalibus communicatā, de simili eorum consilio declaravimus, quod sicut nunquam prohibuimus, nec intentionis nostræ fuit prohibere oblationem, receptionemque tabellarum & imaginum hujusmodi, ita ut deinceps nulli dubitationi locus relinquetur. Statuimus & decrevimus, ut quoties ad aliquam Ecclesiam, aut Oratorium, locumve alium publicum facultarem seu regularem tabellas & imagines, aliudve simile quispiam deferret ac intercessione hominum inter Sanctos vel Beatos non adscriptorum, quamvis cùm Martyrii aut Sanctitatis fama demortuorum, optata se impetravisse diceret, liceret Ecclesiasticis personis Ecclesiarum, locumve prædictorum curæ præpositis tabellas & imagines sive pictas, sive ex quavis materia factas, atque alia quæcunque collatae gratia fidem facientia simul cum deferentis, aliorumque qui concii fuissent, attestacionibus recipere atque approbantibus Ordinariis, ad quos referre statim omnia tenerentur, in secreto aliquo seorsum ab Ecclesia loco custodiare, ibidemque jam amota collocare & astrarvare, ut si quando Dominus talium virorum merita Beatificationis seu Canonizationis honore in terris decorare voluisset, extarent hujusmodi Sanctitatis quæcunque probations Apostolicæ Sedis iudicio tunc examinande. Demum verò, ut ejusmodi decreta observarentur indubie, ac commodam sortirentur executionem, cum eisdem Cardinalibus re pariter communicatā, deque eorundem consilio præmissis addidimus, statuimus, decrevimus, atque declaravimus, ne extunc deinceps quispiam Ordinariorum, aut ab Apostolica Sede ad hoc specialiter delegatorum, super alicuius utriusque sexus, cùm Sanctitatis aut Martyrii fama vel opinione defuncti miraculis, revelationibus, aliisve ejusmodi Sanctitatem redolentibus, ex integro, informationes quoquo modo reciperet aut processum instrueret, vel hucusque receptas informationes, instructumve processum ulterius prosequetur, nisi postulator prius per legitimas juridice susceptas probationes circa personam ejus, de cuius miraculis, revelationibus, aliisve rebus geltis sanctitatem præ se ferentibus ageretur, præscriptam in præfato nostro decreto formam omnino servatam extitisse docuerit; & nisi postea successivē idem Ordinarius, aut

ab Apostolica Sede ad hoc specialiter delegatus, diligent præhabitu disquisitione circa candem personam, supradicato decreto nullatenus contraventum esse, ritè pronunciaverit: Utque id inviolabiliter obseretur, statuimus insuper ac decrevimus, ne transmissi ad urbem undecunque hujusmodi processus, à Congregationis Sacrorum Rituum Secretario, minusve Sanctæ Fidei Promotore quomodolibet aperiatur, nisi prius in Sacrorum Rituum Congregatione, alio sejunctim oblatu authenticu processu, ex eo Ordinarium, aut ab Apostolica Sede specialiter delegatum ritè ac rete, ut præmittitur, cognovisse ac pronunciassse prælibato decreto nequaque contraditum esse plenè constiterit, ac deinde à Nobis judicialiter aperiendi eos processus facultas indulta fuisset. Insuper longissimum tempus, illiusve immemorabilem cursum, de quo in prædicto decreto intelligi declaravimus esse tempus, centum annorum metu excedens: Deque his, atque infra scriptis omnibus, quæ in his decretis disposita & ordinata sunt, aliquà suboriente difficultate, Ordinariis locorum & delegatis Apostolicis quibuslibet omnem omnino interpretandi facultatem ademimus: utque Sedem Apostolicam desuper conseruerint, ab eaque responsum expectarent, mandavimus eisdem & aliis, prout in decretis desuper editis plenius continetur.

§. 2. Quare inviolabili decretorum prædictorum observationi, quantum cum Domino possumus, confulere volentes, motu proprio & ex certa scientia, ac merita deliberatione Nostris, deque Apostolica potestatis plenitudine, decreta prædicta, cum omnibus & singulis in eis contentis, tenore præsentium perpetuò approbamus & confirmamus, illis que inviolabilis Apostolicæ firmitatis robur adjicimus, omniaque & singula decreta hujusmodi ab omnibus, ad quos spectat, & in futurum quomodolibet spectabit, observari omnino præcipimus sub pena nullitatis, quæcumque informationum, processuum, ac interpretationis aliter, quam præviâ superscriptâ præcognitione instructorum, eorumque admissionis, publicationis, aut interpretationis; ita ut earundem informationum receptiones, processuumve instructiones, nec non eorum admissiones, ac publicationes & interpretationes habeantur pro non receptis, non instructis, non admissis, non publicatis, non interpretatis, eorumque amplius ratio aliqua nullatenus alicubi unquam haberi debat.

§. 3. Decernentes præsentes litteras, & in eis contenta quæcunque etiam ex eo, quod quicunque in præmissis, seu eorum aliquo interesse habentes, seu quomodolibet habere prætententes, ad præmissa vocati, & audit, minime causæ, propter quas eadem præsentes

fentes emanarint, adductæ, verificatæ, seu alias sufficienter, aut etiam nullatenus justificata fuerint, nullo unquam tempore de subreptionis, obreptionis, nullitatis, aut invaliditatis vitio, seu intentionis nostræ, aut alio quovis defectu etiam quantumvis magno, inexcitato & substantiali, sive etiam ex eo, quod in præmissis, seu eorum aliquo solemnitates & quævis alia servanda & adimplenda, servata & adimpleta non fuerint; aut ex quo vis alio capite à jure, vel facto, aut statuto, vel consuetudine aliqua resultante, seu etiam enormis, enormissimæ & totius lætionis, aut quocunque alio colore, etiam in corpore juris clauso, seu occasione, vel causa, etiam quantumvis justa, rationabili & privilegiata, etiam tali quæ ad effectum validitas præmissorum necessario exprimenda foret, aut quod de voluntate nostra hujusmodi & alii superius expressis, seu relatis nihil ullibi appareret, seu aliter probari posset, notari, impugnari, invalidari, retractari, in jus vel controversiam revocari, aut ad terminos Iuris reduci, vel adversus illas restitutionis in integrum, aperitionis oris, reductionis ad viam, & terminos Iuris, aut aliud quocunque juris, facti, gratiæ, vel justitiæ, remedium impetrari, seu quomodolibet concedi, aut impetrato, vel concessio quæciam uti, seu se juvare in judicio, vel extra posse, neque ipsas præsentes sub quibusvis similium, vel dissimilium gratiarum revocationibus, suspensionibus, limitationibus, aut aliis contrariis dispositionibus pro tempore quomodolibet faciendis comprehendendi, seu semper ab illis exceptas, perpetuoque validas, firmas & efficaces existere & fore, suoque plenarios & integros effectus fortiri & obtinere, ac per omnes & singulos, ad quos spectat, & quomodolibet spectabit in futurum, inviolabiliter observari.

§. 4. Sicque & non aliter in præmissis omnibus & singulis, per quoscunque Iudices Ordinarios & delegatos, etiam causarum Palati Apostolici Auditores, & S. R. Ecclesiæ Auditores, etiam de latere legatos & Nuncios & alios quavis auctoritate & potestate fungentes, in quavis causa & instantiâ, sublata eis, & eorum cuilibet quavis aliter judicandi & interpretandi facultate & auctoritate, ubique judicari & diffiniri debere: irritum quoque & inane, si fecus super his à quocquam quavis auctoritate scienter vel ignoranter contigerit attentari.

§. 5. Quocirca Venerabilibus Fratribus Patriarchis, Primitibus, Archi-Episcopis, Episcopis & aliis locorum Ordinariis, nec non dilectis filiis nostris & Apostolicae sedis Nunciois, ac hæretice pravitatis Inquisitoribus ubilibet existentibus, per Apostolica scripta mandamus, ut statim atque præsentes litteræ Nostræ ad eorum, & cujuslibet eorum no-

titiam pervenerint, in sua quisque respectivè Dioecesi, vel Provincia sedulò pervigiliet, ne sine approbationibus prædictis imagines cum memoratis signis exponantur, aut miracula, revelationes, ac beneficia prædicta publicentur, aliavè contra superioris dispolita fiant. Transgressores vero, si regulares fuerint, priuationis suorum officiorum, ac vocis activæ & passivæ, nec non suspensionis à divinis: Si vero Clerici seculares, priuationis pariter suorum officiorum, suspensionis à divinis & ab administratione Sacramentorum, executioneque suorum Ordinum respectivè aliquæ arbitrio prædictorum Ordinariorum, seu Inquisitorum pro modo culpæ infligendis penas plectendo. Qui autem libros impresserint, aut imagines pinxerint, sculperint, seu quoquo modo effixerint, vel formaverint, ceterique artifices circa præmissa qualitercumque delinquentes, prædicta omnia amittant, & insuper pecuniariis, aliquæ etiam corporalibus penas juxta criminis gravitatem, eorundem Ordinariorum, seu Inquisitorum arbitrio afficiantur. Contradictores quilibet & rebelles, ac præmissis non patentes, per sententias, censuras & penas Ecclesiasticas, aliaque opportuna Iuris & facti remedias, omni & quacunque appellatione, recursu & reclamatione remotis compescendo, invocato etiam ad hoc, si opus fuerit, auxilio brachii secularis.

§. 6. Non obstantibus, quatenus opus sit, fel. record. Bonifacii Papæ VIII. etiam Prædecessoris nostri, de una, & in Concilio generali edita de duabus dictis, ceterisque in contrarium facientibus quibusunque.

§. 7. Ut autem præsentes & in eis contenta quæcunque ad omnium notitiam deducantur, & ne aliquis de eis ignorantiam prætendere possit, volumus pariter & mandamus, quod eadem præsentes per aliquem, seu aliquos ex Curforibus nostris ad Ecclesiæ Lateranen. & Basilicæ Principis Apostolorum de urbe, nec non Cancellariæ Apostolicæ valvas, ac in acie Campi Flora affigantur & publicentur, & cum inde amovebuntur, eamdem exempla, in eisdem locis affixa dimittantur: quæ sic publicatae & affixæ post duos menses à die publicationis computandos, omnes & singulos, quos concernunt, perinde afficiant & arcent, ac si unicuique illorum personaliter intimatae & notificatae fuissent.

§. 8. Quodque illarum transumptis impressis, sigillo alicuius personæ in dignitate Ecclesiastica constituta munitis, & manu alicuius Notarii publici subscriptis eadem præfusa fides adhibetur, quæ præsentibus adhibetur, si forent exhibitæ vel ostensæ.

Datum Romæ apud S. Mariam Majorem sub Annulo Piscatoris die 5 Iulii 1634. Pontificatus nostri anno undecimo.